


佛本行集經

卷五十一

三百一
籍一

49756



佛本行集經卷第五十一

籍

隋天竺三藏法師闍那崛多譯

尸棄本生品下

爾時鹿王遙見獵師執仗而來即便以偈告

牝鹿言

此是獵師將來至

身體烏黑者鹿衣

今來必剥我皮膚

斬截肢節而將去

爾時牝鹿遙迎獵者漸至其前而說偈言

善哉汝獵師 今可敷草鋪 先破我皮肉

爾乃殺鹿王

爾時獵師問於牝鹿作如是言今此鹿王與

汝何親是時牝鹿報獵師言此是我夫甚相

愛敬以是因緣作如是念願不與彼愛別分
離以是義故必先殺我後及鹿王介時獵師
作如是念此是仁婦希有是鹿能作如
是大事時彼獵師於其牝鹿生大歡喜即以
偈頌報牝鹿言

我自生小未曾聞

見有諸獸解人語

此事世間甚希有
今既不殺於汝身

我意何忍起害心
亦復并放介夫去

如是全活爾身命

願汝夫婦恒相隨

爾時獵師詣彼樞所解放鹿王介時牝鹿見
王免縛心大歡喜遍體踊躍不能自勝復以
偈句白獵師言

善哉如是大獵師

諸親見者皆歡喜

如我得見夫勉脫

歡喜踊躍亦復然

佛告優陀夷汝今當知彼鹿王者豈異人乎
即我身是時牝鹿者耶輸陀羅即其是也耶
輸陀羅於彼之時尚隨順我受大苦厄況於
今日能隨順我行大苦行於諸世人莫能行
事而能行也

其羅睺羅今以過業所逼惱故在胎六年耶
輸陀羅爲是菩薩懷愁毒故不自嚴飾然其
如來過六年後證阿耨多羅三藐三菩提於
時輸頭檀王所遣使人候消息者彼等使人
見佛出尊從坐起故即詣輸頭檀王之所到

王所已而白王言大王當知太子今者苦行
已徹稱滿心意已從坐起

余時輸頭檀王聞此語已別勅二人而告之
曰汝等今當詣太子所至彼處已當宣我言
告彼太子汝於今者苦行已徹當可速來統
領國事爲轉輸王具足七寶時彼二人奉王
勅已依王教命如法頂受承是勅意詣太子
所頭面禮足却住一面白太子言善哉聖子
輸頭檀王勅我二人到聖子所告聖子言汝
於今者苦行已徹今可速來承受我位爲轉
輸王七寶之具今悉備足

余時世尊聞彼二人作是語已而說偈言

若人已調伏。世無不伏者。

諸佛境無邊。

無跡無來去。若人不入網。

愛無所從生。

諸佛境無邊。無跡無來去。

尔時耶輸陀羅於其宮內聞是太子苦行已。

徹猶望不久必應還來當受王位政國治民。

作轉輪王便生是念太子若作轉輪聖王我。

即當作第一妃后如是念已歡喜踊躍遍滿。

其體不能自勝持種種香塗其身體即著種。

種無價寶衣及諸瓔珞而自莊飾食諸妙饌。

眠寢寶床柔軟卧具作如是事豫待太子時。

羅睺羅過六年已盡其往業耶輸陀羅即以。

種種資物食飲而自供養以是因緣其羅睺。

羅便即出生既出生已時諸內人尋共諮白
輸頭檀王作如是言異哉大王耶輸陀羅今
乃生子輸頭檀王聞此事已心大瞋怒即作
是言今我太子捨家出家已經六歲耶輸陀
羅今生此子何從而得是時釋子提婆達多
作如是言此是我子輸頭檀王倍增瞋恚召
諸釋種悉令聚集即告之曰卿等當知耶輸
陀羅不護太子亦不護我不護諸釋不惜名
聞縱恣其意辱我宗族我等今者應作何事
而苦治也

余時釋種皆共同聲作如是言耶輸陀羅汗
辱家者我等應當如辱家法而苦治之

時彼衆內有一大臣作如是言當髡其髮以杖打之打已印記

復有一臣作如是言當截其耳剗去其鼻

復有一臣而作是言當挑兩目

復有一臣作如是言鏘貫木上

復有一臣作如是言擲著空井

復有一臣作如是言擲著火內

復有一臣作如是言今抱熾然大熱鐵柱

復有一臣作如是言繫縛手足遣大群牛踏

而殺之

復有一臣作如是言今卧地上白象踏之

復有一臣作如是言從頭至足以鋸解之

復有一臣作如是言節節支解分爲八段
尔時輸頭檀王告諸臣言我今勅令耶輸陀
羅及所生子俱當就死

是時如來已成阿耨多羅三藐三菩提便自
觀見耶輸陀羅及所生子在厄難處以慈悲
心所逼惱故處處顧視於時而自思妙門天
王去佛不遠時彼天王知如來意即持筆墨
及多羅葉往詣佛所尔時出尊手自作書而
白王言其所生兒是我之息願莫有疑
尔時毗沙門天王從世尊所受是書已尋即
往至輸頭檀王大衆之內即出其書擲王懷
裏尔時彼書有證有驗輸頭檀王見是驗已

思尋此書真是我息悉達太子手自書處
尔時輸頭檀王及諸大眾爲此因緣於耶輸
陀羅生歡喜心耶輸陀羅傳聞人導大王有
勅欲殺其身及所生子護身命故速疾往至
摩訶波闍波提憍曇弥所作如是言善哉尊
后我無是過此所生子太子體胤聽聞不久
太子來到若其到已自應當知今欲殺我是
虛枉耳

尔時摩訶波闍波提聞耶輸陀羅作是語已
心復歡喜即遣使請輸頭檀王至阿輸迦樹
林之內到林處已而白王言唯願大王當知
今者耶輸陀羅釋種之女至於我邊而作是

言我無此過我所生子太子體胤若彼太子
身來到已自知虛實是故大王莫作是事應
須待彼太子來到即知此事定實云何

尔時輸頭檀王聞彼摩訶波闍波提作如是
等善利益義即報之曰此言有理若如尊后
所言說者我等宜任聽太子至若不尔者當
知此事定實云何雖復如此輸頭檀王由於
釋女耶輸陀羅未生歡喜是故衣服及餘瓔
珞少分供給發遣安置隨宜處所

尔時釋女耶輸陀羅復至摩訶波闍波提憍
曇弥所至已自言善哉尊后我於今者欲詣
園內酬昔所許諸天微願暫一祠祀未審尊

后聽許已不

尔時摩訶波闍波提共彼釋女耶輸陀羅將
羅睺羅廣辦供具賫持雜物詣彼神所其神
名曰盧提羅迦從神作名其苑亦名盧提羅
迦於彼苑中菩薩往昔在家之日恒於彼苑
按摩遊戲彼苑之內有一大石菩薩往日於
上坐起耶輸陀羅釋種之女當於尔時將羅
睺羅臥息彼石於後捉石擲著水中遂立誓
言我今要誓如實不虛唯除太子更無丈夫
共行彼此我所生兒實是太子體胤之息是
不虛者令此大石在於水上浮遊不沒時彼
大石如彼要誓在於水上遂即浮任如芭蕉

葉浮於水上不沉不沒亦復如是於時大衆
見聞此已生希有心謹誦嘯調踊躍無已叫
嚶跳躑歌儻作倡旋裙儻袖又作種種音聲
伎樂

亦時輸頭檀王聞此事時歡喜踊躍遍滿其
體不能自勝即勅莊嚴彼迦毗羅婆蘇都城
令除荆棘沙礫土石穢惡糞等諸不淨物更
以香湯掃灑塗治摩拭其地在在處處安置
香鑪燒最妙香其香鑪間雜錯種種妙色寶
瓶其寶瓶內盛滿香水於其水中復安香花
於其香鑪寶瓶中間更復安置芭蕉行列復
懸種種紛葩繒綵豎立種種雜色幢幡真珠

條貫處處交橫金鈴羅網遍覆其上復作日月星宿形像張設空中寶花流蘇處處垂下復以種種雜犛牛尾所在間錯

亦時嚴飾迦毗羅處猶如幻炎軋闍婆城莊嚴是已將羅睺羅即入彼城召喚釋種宗族傍親悉皆聚集廣辦種種財物飲食所須調度方始別更為羅睺羅作其生日耶輸陀羅生息之時是羅睺羅阿修羅王捉食其月於利那頃暫捉還放是故釋種諸親族等聚集議論於羅睺羅食月之際一刹那間生此童子是故立名名羅睺羅其羅睺羅可喜端正諸人見者莫不歡悅膚體黃白如真金色然

其頭頂猶如繖蓋其鼻高隆猶如鸚鵡兩臂
脩脯下垂過膝一切肢節無有缺減諸根完
具莫不充備

尔時輸頭檀王爲羅睺羅置四姊妹何等爲
四一者抱持二者洗濯三者飲乳四者遊戲
此四姊妹隨時將養不久即令智慧備足

尔時世尊在波羅捺轉大法輪於時諸天各
各相告其聲展轉乃至梵頂即於彼時輸頭
檀王聞子悉達已得證於阿耨多羅三藐三
菩提既覺證已至波羅捺轉大法輪爲於天
人而演說法

尔時輸頭檀王於世尊所倍更憶念作是思

惟設何方便令彼太子愍諸眷屬速來至此
迦毗羅城復作是念應當遣誰而為使者誰
有智略能了此事復作是念此優陀夷國師
之子次復車匿此之二人從小已來恒共悉
達拊摩弄土伴涉遊遨此之二人並各堪至
悉達多所我今當遣往彼為使

尔時輸頭檀王喚優陀夷國師之子及以車
匿而告之言汝等二人應當知時今者太子
既得成就阿耨多羅三藐三菩提已至波羅
捺國轉大法輪為諸天人演說諸法汝等今
可速往至彼悉達多所宣我告勅傳我意旨
今汝太子難行苦行至其邊際稱遂汝心已

得證於阿耨多羅三藐三菩提已復轉於無
上法輪既爲天人演說諸法善哉太子今可
來詣迦毗羅城爲憐一切諸眷屬故

尔時優陀夷國師之子并及車匿而白王言
大王當知悉達太子若不來者未審我等更
作何計王報之言汝等但聽太子處分其優
陀夷國師之子并及車匿即白王言如大
王勅不敢違命受王勅已頂礼其足各還本處
辭別父母諸眷屬等漸行往至波羅捺國諸
仙居處鹿野苑中至彼處已頂礼佛足却住
一面白言世尊我等今者奉承大王輸頭檀
勅遣來至此而王告言善哉太子汝今苦行

已得超越滿汝心願成就阿耨多羅三藐三
菩提轉大法輪復為天人演說諸法善哉太
子今可來至此迦毗羅婆蘇都城憐愍一切
諸眷屬故

尔時世尊聞此語已故說偈言

若人已調伏

世無不伏者

諸佛境無邊

無跡無來去

若人不入網

愛無所從生

諸佛境無邊

無跡無來去

時優陀夷國師之子并及車匿白言世尊欲
令我等當何所作佛告彼等作如是言汝能
學我此諸弟子出家法不

尔時世尊雖問彼等但彼二人先於佛邊已

有慕仰出家之意。因白佛言：我等並各願樂出家。於時世尊即聽出家與受具戒。

爾時世尊自從出家起坐，未曾面向生地迦毗羅城。乃至未化賢友、知識、五比丘等。及以長老耶輸陀等親善友輩。波羅捺城所生有四大富長者諸勝男子，何等爲四？一毗摩羅二蘇婆侯三富婁那四伽婆般帝。爾時尊者耶輸陀有善知識等五十餘人。長老富婁那彌多羅居士亦有徒衆三十一人。長老摩訶迦旃延復有八万四千徒衆。長老婆毗耶亦有勝徒合三十人。同行善友其數六十。復有迷祇耶聚落所生長老那毗迦拈那耶。

那尔時復有一婆羅門其有二女一名難陀
二名婆羅

尔時復有一婆羅門名曰提婆并及其妻長
老頻螺迦葉合有五百螺髻梵志

復有長老那提迦葉螺髻梵志其數三百
復有長老伽耶迦葉諸徒眾等其數二百亦

是螺髻諸梵志等

尔時復有長老優波斯那數合二百五十人
俱尔時復有一樹林中五百苦行諸仙人等
為雨法雨王舍城中頻婆娑羅王及臣等凡
九十二那由他人長老摩訶迦葉長老舍利
弗目犍連等又刪闍耶波梨婆闍迦外道弟

子五百人等化如是輩若干人已然後世尊
方始迴面向本生地迦毗羅城

時優陀夷見婆伽婆迴面坐向本所生地迦
毗羅城又復諸天告彼長老優陀夷言善哉
尊者今可請佛願至生地本迦毗羅婆蘇都
城為其憐愍諸眷屬故

尔時長老優陀夷善知聖意如來將去遂從
坐起偏袒右臂整理衣服合掌向佛僂身佞
頭而說偈言

譬如非時諸樹木

欲著花果待其時

非時花果無光麗

尊今可度恒伽河

樹木紛葩華正開

其華香遍十方刹

華既開敷結果實
此時最妙最為勝
百鳥林中出妙響
釋種往昔心發願
見尊出家大憂怖
世尊眷屬所思遲
願往至彼為決疑
如來念母養育恩
若見遠來大聖師
釋種大王輸頭檀
何當得見金色體
此時非熱亦非寒

尊向生地正是時
清流香潔泉池水
諸欣悅事是其時
一切大地我獨攝
不稱心願甚鬱快
由尊生子羅睺羅
大衆渴仰思欲見
為彼慈心憐愍故
應得歡喜除憂惱
往昔起此微妙願
我子入此迦毗城
堪稱世尊受樂道

億數釋種瞻仰待

猶如畢宿真月迴

尔時出尊即告長老優陀夷言汝優陀夷若其然者汝等二人於先可至彼迦毗羅婆蘇都城告我親眷諸釋種等作如是言今者太子苦行已徹愍汝等故不久欲來其優陀夷及彼車匿蒙佛勅已而白佛言唯然世尊我不敢違頂礼佛足右遶三匝退而去次第漸行至迦毗羅婆蘇都城左俱陀林依彼聚落暫時止住

尔時輸頭檀王嚴駕駟馬寶車而出往至彼園占觀好地輸頭檀王於時遙見長老車匿及優陀夷剃除鬚髮身著袈裟手執鉢器見

已即告諸大臣言汝等大臣此何人也剃除鬚髮身著色衣手持應器時大臣等即報王言此等二人乃是悉達太子明徒

尔時輸頭檀王心懷懊惱悵快不樂而作是言我子端正容儀可喜觀者無厭喻如金像而彼身形今如是也不喜觀見謂諸臣言汝

等必當斷是二人勿令我見作是語已始往園内尔時臣等作如是念今此二人一者乃是國師之子二者悉達太子侍者作是籌量不能遣却輸頭檀王在園遊觀還欲出時今日諸臣恐王見彼長老二人生煩惱故遂將安置空牆院内

尔時世尊告諸比丘作如是言汝等比丘今
可速疾辦具衣鉢我今欲行遊觀餘國城邑
聚落因欲向我本自生地彼迦毗羅婆蘇都
城憐愍一切諸眷屬故

尔時長老舍利弗從坐而起整理衣服偏袒
右臂右膝著地合掌向佛而作是言希有世
尊未曾有也世尊今者行正是時甚精甚妙
今者世尊乃欲遊觀諸餘國城實是其時
尔時佛告舍利弗言舍利弗汝今欲得聞此
事者當爲汝說尸棄如來多他伽多阿羅訶
三藐三佛陀將欲遊行本自生地處處觀看
城邑聚落其時微妙甚可愛樂因緣之事

亦時舍利弗白佛言世尊今正是時願為比丘演說往昔尸棄如來詣自生地遊觀國邑令諸比丘聞佛說已當如是持
亦時世尊即以偈說尸棄如來遊歷觀看本
生地事

善哉甚妙舍利弗

汝今應當一心聽

昔日尸棄聖如來
所至一切村聚落
處處皆各生甘泉
所至一切村聚落
處處皆有諸花樹
所至一切林樹下

往自觀看生地事
往見尸棄聖如來

八功德味悉具足

往見尸棄大聖師

枝葉垂下普蔭鬱

尸棄如來止在處

是樹自然雨妙花
所經一切林樹下
其樹甘菓自然落
有樹人所攀及者
尸棄如來大聖師
若有人所不及樹
尸棄如來大聖師
諸天在於虛空裏
尸棄如來大聖師
諸天在於虛空裏
尸棄如來大聖師
諸天在於虛空裏

遍布其地悉充滿
尸棄如來若止任
枝條婀娜悉低垂
花菓紛雜甚可怜
應感流行如是事
妙花甘果自然落
應感流行如是事
雨大妙花姜迦羅
應感流行如是事
普雨清涼妙花雨
應感流行如是事
雨花名曰曼陀羅

尸棄如來大聖師
諸天在於虛空裏
尸棄如來大聖師
諸天在於虛空裏
尸棄如來大聖師
諸天在於虛空裏
尸棄如來大聖師
諸天在於虛空裏
尸棄如來大聖師
諸天在於虛空裏

應感流行如是事
雨花名曰波梨耶
應感流行如是事
雨花名曰毗婆伽
應感流行如是事
雨花名曰香勝香
應感流行如是事
雨諸種種妙香花
應感流行如是事
雨花名曰普至香
應感流行如是事
雨於異種妙香花

尸棄如來大聖師
諸天在於虛空裏
尸棄如來大聖師
諸天在於虛空裏
尸棄如來大聖師
諸天在於虛空裏
尸棄如來大聖師
諸天在於虛空裏
尸棄如來大聖師
諸天在於虛空裏
尸棄如來大聖師
諸天在於虛空裏

應感流行如是事
純雨真金妙色花
應感流行如是事
雨諸七寶妙色花
應感流行如是事
雨花純是真金莖
應感流行如是事
純雨一切寶莖花
應感流行如是事
純雨優婆羅花葉
應感流行如是事
純雨栴檀妙香末

尸棄如來大聖師
諸天在於虛空裏
尸棄如來大聖師
諸天在於虛空裏
尸棄如來大聖師
諸天在於虛空裏
尸棄如來大聖師
諸天隨順佛行路
其花紛雜種種光
彼時無寒復無熱

應感流行如是事
雨赤栴檀妙末香
應感流行如是事
純雨牛頭栴檀末
應感流行如是事
奏作種種天樂音
應感流行如是事
拂弄種種妙天衣
應感流行如是事
持諸種種妙香花
雨諸道路深至膝
亦無蚊虻諸惡虫

尸棄如來大聖師
一切大地悉微動
尸棄如來大聖師
一切大地普調柔
尸棄如來大聖師
所有丘墟悉平滿
尸棄如來大聖師
刹利種姓大威德
尸棄如來大聖師
諸婆羅門淨行種
尸棄如來大聖師
豪富威德大長者

應感流行如是事
并大巨海及諸山
應感流行如是事
清淨無有惡荆棘
應感流行如是事
山陵埳阜皆坦然
應感流行如是事
其數八万有六千
行任坐起相隨逐
其數八万有六千
行任坐起相隨逐
其數八万有六千

尸棄如來大聖師

行住坐起相隨逐

亦有地居諸天等

皆是妙色淨莊嚴

尸棄如來大聖師

行住坐起相隨逐

復有虛空諸天衆

皆大威德最嚴勝

尸棄如來大聖師

行住坐起相隨逐

四大天王及天衆

殊勝妙色威德者

尸棄如來大聖師

行住坐起相隨逐

護世四天大王等

復有殊妙大威勢

尸棄如來大聖師

行住坐起相隨逐

忉利三十三天衆

微妙威力轉殊勝

尸棄如來大聖師

行住坐起相隨逐

須彌山頂帝釋王

及諸親友眷屬等

尸棄如來大聖師

行住坐起相隨逐

善分耶摩諸天輩

妙色清淨大威嚴

尸棄如來大聖師

行住坐起相隨逐

喜樂諸天兜率陀

威嚴功德甚微妙

尸棄如來大聖師

行住坐起相隨逐

次復化樂諸天等

所行功德轉微妙

尸棄如來大聖師

行住坐起相隨逐

他化自在諸天等

威德光嚴甚暉曜

尸棄如來大聖師

行住坐起相隨逐

大梵宮中諸天輩

妙色威力轉光華

尸棄如來大聖師

行住坐起相隨逐

色界所有諸天輩

及諸龍神金翅鳥

軋闍婆等阿修羅

緊那羅等摩睺羅

尸棄如來大聖師

世間有諸衆生類

尸棄如來大聖師

彼尊尸棄如是行

正覺入於大涅槃

野叉鬼神及羅刹

皆得具足妙威嚴

行住坐起相隨逐

已說及以不說者

行住坐起相隨逐

調伏無量天人衆

永斷諸有及後生

時佛復告舍利弗言汝舍利弗尸棄如來應

供正遍知明行足善逝世間解無上士調御

丈夫天人師佛世尊初欲往到本自生地有

如是等無量微妙希有行事

佛本行集經卷第五十一

籍

獾獵二同良牝鹿上忍毗剥反必角皮膚下音穴

肉二何全全二同極其向秤反尺證饌反床戀寢反七錦

挨族二古同上翫音坤劓魚器挑挑二土同反鏘七

反蹈音盜鋸音據胤余鎮枉紆往祠祀下上音音詞苑

苑下紆遠反要誓上音謹譁音喧下音同音嘯調

下徒蘇吊吊反反跳躑直上音音條下倡音昌旋裾反上似宜

居荆蕪居上力音京下沙礫下音穢惡故下反一盛滿

上音紛葩上音麻反芬下繒綵上疾犒牛交上莫間

錯倉落去聲下捉食下多繒上蓋散上音音脩脯下恭反

覓完二戶同官反反妳母解上女反洗濯濁下音音柰音柰車匿

力下反拊音撫遊遨下高反吾西音音蚤音螺刪友所間音儂音呂

下反拊音撫遊遨下高反吾西音音蚤音螺刪友所間音儂音呂

反 咍 伽 其 陵 音 鬱 快 向 於 唯 然 上 于 四 音 四

籌 直 疏 翁 鬱 又 上 音 一 孔 反 媿 娜 上 一 癸 反 姜 置

二 同 蚊 虹 上 音 文 下 墟 起 魚 培 阜 下 音 丁 反 姜 置

金 翅 智 反 施 莫 庚 反 下 墟 反 起 魚 培 阜 下 音 丁 反 姜 置



々 々

々 々 々 々

